

Содержание

Молитвы утренние	5
Молитвы на сон грядущим.....	23
Канон покаянный ко Господу нашему Иисусу Христу	43
Канон молебный ко Пресвятой Богородице, поемый во всякой скорби душевной и обстоянии. <i>Творение Феостирикта монаха</i>	54
Канон Ангелу хранителю	67
Акафист Сладчайшему Господу нашему Иисусу Христу	78
Акафист Пресвятой Богородице.....	92
Акафист святителю Николаю, архиепископу Мир Ликийских, Чудотворцу.....	108
Последование ко Святому Причащению	124
Благодарственные молитвы по Святом Причащении	157
Песнопения из Триоди Постной	166
Песнопения Страстной седмицы	175
Часы Святой Пасхи и всей Светлой седмицы.....	179

Песнопения из Триоди Цветной	182
Тропари и кондаки воскресные	194
Тропари и кондаки во всю седмицу	200
Тропари и кондаки двенадесатым и великим праздникам	205
Тропари и кондаки пред иконами Пресвятой Богородицы	220
Тропари и кондаки Небесным Силам бесплотным	262
Тропари и кондаки общие	266
Тропари и кондаки святым	285

Алфавитный указатель святых	512
-----------------------------------	-----

Алфавитный указатель икон Божией Матери, молитвы пред которыми помещены в настоящем молитвослове	526
---	-----

МОЛИТВЫ УТРЕННИЕ

Восстав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца и Сына и Святаго Духа.
Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы без поспешности и со вниманием сердечным:

Молитва мытаря

Бóже, мѣлостив бѹди мне грѣшному. (Поклон)

Молитва предначинательная

Господи Иисусе Христѣ, Сыне Божий, моли́тв ра́ди Пречѣстѣя Твоея́ Ма́тере и всех святѣх, помѣлуй нас. Аминь.

Сла́ва Тебѣ, Бóже наш, сла́ва Тебѣ.

Молитва Святому Духу

Царю Небесный, Утешителю, Дúше истинны, Иже вездé сый и вся исполняяй, Сокрóвище благíх и жízни Подáтелю, прииди́ и всели́ся в ны, и очисти ны от всякия сквэрны, и спаси́, Бла́же, дúши на́ша.

[От Пасхи до Вознесения вместо этой молитвы читается тропарь:

Христóс воскресе из мёртвых, смёртию смерть попрáв и сúщим во гробéх живóт даровáв. (Трижды)

От Вознесения до Троицы начинаем молитвы со «Святый Бóже...», опуская все предшествующие.

Это замечание относится и к молитвам на сон грядущим.]

Трисвятое

Святый Бóже, Святый Крéпкий, Святый Безсмёртный, помíлуй нас.

(Читается трижды, с крестным знаменем и поясным поклоном.)

Слáва Отцú и Сýну и Свято́му Дúху, и ны́не и прísно и во вéки векóв. Амíнь.

**Молитва
ко Пресвятой Троице**

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу,
и ныне и присно и во веки веков. Аминь.

Молитва Господня

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари Троичные

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси, Боже, Богородицею помилуй нас.

Слава Отцу и Сыну и Святому Духу.

От одра и сна воздвигл мя еси, Господи, ум мой просвети и сердце, и устне мои

отвѣрзи, во ѣже пѣти Тя, Свята́я Трѳице: Свят, Свят, Свят еси́, Бѳже, Богородицею помѣлуй нас.

И ны́не и прѣсно и во вѣки веко́в. Амѣнь.

Внеза́пно Судия́ приидет, и коегѳждо дея́ннн обнажа́тсн, но стра́хом зове́м в полунощи: Свят, Свят, Свят еси́, Бѳже, Богородицею помѣлуй нас.

Гѳсподи, помѣлуй. (12 раз)

Молитва ко Пресвятой Троице

От сна воста́в, благодарю́ Тя, Свята́я Трѳице, я́ко мно́гнн ра́ди Твоея́ бла́гости и долготерпѣннн не прогна́валсн еси́ на мя, лени́ваго и грѣшнаго, ниже́ погубѣл мя еси́ со беззако́нннми мои́ми; но чело­веколю́бствовал еси́ обы́чно и в неча́я­ннн лежа́щаго воздвѣгл мя еси́, во ѣже у́т­реневати и славосло́вити держа́ву Твою́. И ны́не просветѣ́ мой ѳчи мѣсленннн, отвѣрзи моя́ уста́ поуча́тисн словесѣм Тво­ѣм, и разумѣти за́поведи Твоя́, и творѣти во́лю Твою́, и пѣти Тя во исповѣданин сер­дечнем, и воспевати́ все­свято́е ѣмя Твое́, Отца́ и Сы́на и Свята́го Ду́ха, ны́не и прѣ­сно и во вѣки веко́в. Амѣнь.

Приидите, поклонимся Царéви нашему Бóгу. *(Поклон)*

Приидите, поклонимся и припадём Христу́, Царéви нашему Бóгу. *(Поклон)*

Приидите, поклонимся и припадём Самому́ Христу́, Царéви и Бóгу нашему. *(Поклон)*

Псалом 50

Помилуй мя, Бóже, по велицей мило́сти Твое́й, и по мно́жеству щедро́т Твоих очисти беззако́ние моё. Наипа́че омый мя от беззако́ния моего́, и от греха́ моего́ очисти мя; я́ко беззако́ние моё аз знаю́, и грех мой пре́до мною́ есть вѣну. Тебе́ единому согреших и лука́вое пред Тобо́ю сотвори́х; я́ко да оправди́шия во словеса́х Твои́х, и победи́ши внегда́ суди́ти Ти. Се бо, в беззако́ниих зача́т есмь, и во гресе́х роди́ мя ма́ти моя́. Се бо, и́стину возлюбил еси́; безвѣстная и та́йная премудрости Твоея́ явил ми еси́. Окропи́ши мя иссо́пом, и очи́щуся; омы́еши мя, и па́че сне́га убе́люся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х и вся беззако́ния моя́ очисти. Сѣрдце чи́сто сози́жди во мнѣ,

Бóже, и дух прав обновí во утрóбе моéй. Не отвéржи менé от лица Твоегó и Дúха Твоегó Святаго не отымí от менé. Воздаждь ми рáдость спасéния Твоегó и Дúхом Влады́чным утверди́ мя. Научú беззакóнныя путём Твоím, и нечестíвии к Тебé обратятся. Избáви мя от кровей, Бóже, Бóже спасéния моего́; возра́дуется язык мой правде Твоéй. Гóсподи, устне́ мой отвéрзешы, и уста́ моя́ возвестя́т хвалу́ Твою́. Яко́ аще бы восхотёл еси́ жéртвы, дал бых úбо: всесожжéния не благоволи́ши. Жéртва Бóгу дух сокрушён; сёрдце сокрушённо и смирённо Бог не уничижит. Ублажи́, Гóсподи, благово́лением Твоím Сиóна, и да сози́ждутся стéны Иерусали́мския. Тогда́ благоволи́ши жéртву правды, возношéние и всесожега́емая; тогда́ возложáт на олта́рь Твой тельцы́.

Символ веры

¹ Вéрую во еди́наго Бóга Отца́, Вседержи́теля, Творца́ Небу́ и земли́, ви́димым же всем и неви́димым. ² И во еди́наго Гóспода Иисúса Христá, Сы́на Бóжия, Единорóднаго, Иже от Отца́ рождённаго прёжде всех век; Свёта от Свёта, Бóга йстинна

от Бóга йстинна, рождénна, несотворénна, единосúщна Отцú, Имже вся б́ыша. ³ Нас рáди человек и нáшего рáди спасénия сшédшаго с небés и воплотívшагося от Дúха Свята и Марíи Дéвы, и во-человéчшася. ⁴ Распýтаго же за ны при Понтíйстем Пилáте, и страда́вша, и погребénна. ⁵ И воскрésшаго в трéтий день по Писáнием. ⁶ И возшédшаго на небеса́, и седя́ща одеснúю Отцá. ⁷ И пáки грядúщаго со слáвою судíти живýм и мёртвым, Егóже Цáрствию не б́удет концá. ⁸ И в Дúха Свята́го, Гóспода, Животворя́щаго, Иже от Отцá исходя́щаго, Иже со Отцém и Сýном спокланя́ема и сславима, глаго́лавшаго проро́ки. ⁹ Во едíну Святу́ю, Собóрную и Апóстольскую Цérковь. ¹⁰ Исповéдую едíно крещénие во оставлénие грехóв. ¹¹ Чаю воскресénия мёртвых ¹² и жízни б́удущаго вéка. Амíнь.

**Молитва 1-я,
святого Макария Великого**

Бóже, очíсти мя грéшнаго, я́ко николíже сотвори́х благо́е пред Тобóю; но избáви мя от лука́ваго, и да б́удет во мне во́ля Твоя́, да неосудénно отвéрзу уста́ моя́

недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

**Молитва 2-я,
того же святого**

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащего мя в лениости ускорив возстави, и спаси мя в предстоянии и молитве, и по сне ночью возсияй ми день безгрешен, Христе Боже, и спаси мя.

**Молитва 3-я,
того же святого**

К Тебе, Владыко Человеколюбче, от сна встав прибегаю, и на дела Твоя подвижаю милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу

возсылаю, ныне и присно и во веки веков. Аминь.

**Молитва 4-я,
того же святого**

Господи, Иже мно́гою Твоею блага́стию и вели́кими щедро́тами Твоими дал еси́ мне, рабу́ Твоему́, мимоше́дшее вре́мя но́щи сея́ без напа́сти преи́ти от всякаго зла проті́вна; Ты Сам, Влады́ко, все́ческих Тво́рче, сподо́би мя и́стинным Твои́м све́том и просвеще́нным се́рдцем тво́рити во́лю Твою́, ныне и присно и во веки веков. Аминь.

**Молитва 5-я,
святого Василия Великого**

Господи Вседержителю, Бо́же сил и вся́кия плóти, в вы́шних живы́й и на смире́нныя призира́й, се́рдца́ же и утробы́ испыты́ай и сокрове́нная челове́ков я́ве предвѣды́й, Безнача́льный и Присносу́щный Све́те, у Него́ же несть премене́ние или́ преложѣ́ния осене́ние; Сам, Безсме́ртный Царю́, приими́ моле́ния на́ша, я́же в настоя́щее вре́мя, на мно́жество Твои́х щедро́т дерза́юще, от скве́рных

к Тебѣ устѣн творимъ, и остави намъ прегрѣшенія наша, яже деломъ, и словомъ, и мыслію, веденіемъ или невѣденіемъ согрѣшеная нами; и очисти ны отъ всякаго скверны плоти и дѹха. И даруй намъ бодреннымъ сѣрдцемъ и трѣзвенною мыслію всю настоящаго житія ночь преити, ожидающимъ пришествія свѣтлаго и явленнаго дне Единороднаго Твоего Сына, Господа и Бога и Спаса нашего Иисуса Христа, вѣ онъже со славою Судія всехъ придетъ, комуждо отдати по деломъ его; да не падше и обленившеся, но бодрствующе и воздвигнени в дѣлание обрящемся готови, в радость и Божественный чертогъ славы Его совнидемъ, идеже празднующихъ гласъ непрестанный и неизреченная сладость зрящихъ Твоего лица доброту неизреченную. Ты бо еси истинный Светъ, просвѣщающій и освящающій всяческая, и Тя поетъ вся тварь во вѣки вековъ. Аминь.

Молитва 6-я,

того же святого

Тя благословимъ, вышній Божѣ и Господи милости, творящаго присно с нами великая же и неизслѣдованная, славная же

и ужасная, ихже несть числа, подавшаго нам сон во упокоение немощи нашей и ослабление трудов многотрудных плоти. Благодарим Тя, яко не погубил еси нас со беззаконными нашими, но человеколюбствовал еси обычно и в нечаянии лежащая ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедаться Тебе, во всех, и от всех славному Богу, Безначальному Отцу со Единородным Твоим Сыном и Всесвятым и Благим и Животворящим Твоим Духом, ныне и присно и во веки веков. Аминь.

Молитва 7-я,

ко Пресвятой Богородице

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдети к песни укрепь, уныния сон отгоняючи. Связана пленницами грехопадений, мольбами Твоими

разрешї, Богоневѣсто. В ношї мя и во дни сохраняй, борющих враг избавляющї мя. Жизнодателя Бѣга рѣдшая, умерщвлѣна мя страстьми оживї. Яже Свет невечерний рѣдшая, дѣшу мою ослѣпшую просветї. О дївная Владычнѣ палато, дом Дѣха Божественна менѣ сотвори. Врача рѣдшая, уврачуї души моея многолѣтныя страсти. Волнующася житейскою бурю, ко стезї мя покаїния направи. Избави мя огня вечнующаго, и червїя же злаго, и тартара. Да мя не явиши бесѣм радование, иже многим грехѣм повинника. Нѣва сотвори мя, обетшавшаго нечувственными, Пренепорѣчная, согрешѣнии. Странна мѣки всякїя покажи мя, и всех Владыку умоли. Небесная ми уллучїти весѣлія, со всеми святїми, сподѣби. Пресвятая Дѣво, услыши глас непотребнаго раба Твоего. Струю давай мне слезам, Пречїстая, души моея скверну очищающї. Стенанїя от сѣрдца приношу Ти непрестанно, усѣрдствуй, Владычїце. Молѣбную слѣзбу мою приими и Бѣгу благоутрѣбному принеси. Превышшая Ангел, мирскаго мя превышша слїтія сотвори.

Светонóсная Сéне небéсная, духóвную
благодáть во мне напра́ви. Ру́це возде́ю
и устне́ к похвалéнию, оскверне́ны скве́р-
ною, Всенепорóчная. Душетлéнных мя
пáкостей избáви, Христа́ приле́жно умо-
ляющи; Ему́же честь и поклонéние по-
добáет, ны́не и прísно и во вéки веко́в.
Ами́нь.

Молитва 8-я,

ко Господу нашему Иисусу Христу
Многомíлостиве и Всемíлостиве Бóже
мой, Гóсподи Иисúсе Христé, мно́гия
ради любвé сшел и воплотíлся еси́, я́ко
да спасéши всех. И па́ки, Спа́се, спаси́
мя по благодáти, молю́ Тя; аще бо от дел
спасéши мя, несть се благодáть и дар, но
долг па́че. Ей, мно́гий в щедро́тах и не-
изречéнный в мíлости! Вéруйяй бо в Мя,
рекл еси́, о Христé мой, жив б́удет и не
у́зрит смéрти во вéки. Аще у́бо вéра, я́же
в Тя, спаса́ет отча́янных, се вéрую, спа-
си́ мя, я́ко Бог мой еси́ Ты и Созда́тель.
Вéра же вмéсто дел да вменíтся мне,
Бóже мой, не обря́щещи бо дел отню́д
оправда́ющих мя. Но та вéра моя́ да до-
влéет вмéсто всех, та́ да отвещáет, та́ да

оправди́т мя, та́ да пока́жет мя прича́стника сла́вы Твоея́ вѣчныя. Да не у́бо похитит мя сатана́ и похва́лится, Сло́ве, е́же отто́ргнути мя от Твоея́ руки́ и огра́ды; но или́ хошú, спаси́ мя, или́ не хошú, Христé Спа́се мой, предвари́ скóро, скóро погибóх: Ты бо еси́ Бог мой от чрэ́ва ма́тере моея́. Сподóби мя, Гóсподи, ны́не возлю́бити Тя, я́коже возлю́бих иногдá той са́мый грех; и па́ки порабо́тати Тебе́ без ле́ности то́щно, я́коже порабо́тах прэ́жде сатанé льсти́вому. Наипа́че же порабо́таю Тебе́, Гóсподу и Бо́гу моему́ Иису́су Христу́, во вся дни живо́та моего́, ны́не и прісно и во вѣки веко́в. Ами́нь.

**Молитва 9-я,
к Ангелу хранителю**

Святы́й Ангеле, предсто́яй ока́янной мое́й души́ и стра́стной мое́й жи́зни, не оста́ви мене́ грéшнаго, ниже́ отступи́ от мене́ за невоздержа́ние моё. Не даждь ме́ста лука́вому дѣмону облада́ти мно́ю, насі́льством смѣртнаго сегó телесé; укрепи́ бѣдствующую и худúю мою́ рúку и наста́ви мя на путь спасéния. Ей, святы́й

Ангеле Божий, хранителю и покровителю окаянных моея души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем и достоина покажет мя раба Своея благодати. Аминь.

**Молитва 10-я,
ко Пресвятой Богородице**

Пресвятая Владычице моя Богородице, святыми Твоими и всеильными мольбами отжени от мене, смиренного и окаяннаго раба Твоего, уныние, забвение, неразумие, нерадение, и вся скверная, лукавая и хульная помышления от окаяннаго моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословенна еси от всех родов, и славится пречестное имя Твое во веки веков. Аминь.

**Молитвенное призывание святого,
имя которого носишь**

Моли́ Бóга о мне, святѣй угóднице Бó-
жий (*имя*), ꙗко аз усёрдно к тебѣ прибе-
гаю, скóрому помóщнику и моли́твенни-
ку о душѣ моѣй.

Песнь

Пресвятой Богородице

Богорóдице Дѣво, раду́йся, Благода́тная
Ма́риѣ, Госпо́дь с Тобо́ю; благословѣн-
на Ты в жена́х и благословѣн плод чрѣва
Твоего́, ꙗко Спа́са родила́ еси́ душ на́ших.

Тропарь Кресту

и молитва за Отечество

Спаси́, Го́споди, лю́ди Твоѧ и благосло-
ви́ достоя́ние Твое́, побѣды правосла́вным
христиа́ном на сопроти́вныя да́руя и Твое́
сохранѧ́ Кресто́м Твои́м жи́тельство.

Молитва о живых

Спаси́, Го́споди, и помилуй отца́ моего́ ду-
хо́внаго (*имя*), роди́телей мои́х (*имена*),
срóдников (*имена*), нача́льников, наста́в-
ников, благоде́телей (*имена их*) и всех
правосла́вных христиа́н.